

大同府志

大同府志卷之四

大同府知府吳輔宏纂輯



山川

禹貢分州以山川定疆界山海經主於叙山而水歸詳
綴水經專於紀水而山頗寓列皆志地家之權輿也依
古以來陵谷代變名號各殊舉彼例此或離或合如恒
山為并州鎮道主恒久而曲陽飛石聚訟傳疑歷四千
餘載而始復唐虞之舊又况水之枯溢流壅今昔改觀
者乎爰考現今山川名目脉絡原委兼採載籍舊聞用
相印證其不知者闕焉並著於篇以為山川志

大同府志

卷之四 山川

一

府境之山以桑乾河分南北北山自朔平府左雲縣北之
彌陀山逶迤東北行入大同界乃府城西北九十里拒
牆堡之北山也山東西袤百里北連邊外金史地里志
宣寧縣有彌陀山即此

由彌陀山之東折而南其在府治西北十五里者曰雷公
山高七里盤踞百二十里南連武周山上有雷公廟甚
古下有龍泉亭禱雨奇驗元宜君縣尹單鵠分省左司
都事姚拜延普華二碑在焉

武周山東距府治二十里高二里盤踞三十里北連雷公
山峪中有石窟寺後魏高宗時僧曇曜鑿山石壁開窟

五所鑄建佛像雕飾奇偉冠於一世顯祖高祖嘗幸焉
山下有金耿光祿塚武州之州水經注隋書地理志皆
作周魏土地記謂之武州塞口
雙化嶺東距府治三十里相傳二僧化此高十里盤踞百
餘里北連武周山東南連拖皮嶺南北二峯南峯尤高
嶺西有古寺蹟隸左雲界

由武周山迤邐西南其在大同懷仁山陰三縣界者其一
曰鳳山東北距府治四十里山一峯遞高八里盤踞二
十里西連土嶺南連口泉峪口泉水出焉東北注武周
川明嘉靖間大同遊擊焦澤從總兵周尙文戰彌陀鳳

大同府志

卷之四

山川

二

鳳卽此以在府治西南隅亦稱坤雲山

七峯山在坤雲南五里許高八里盤踞三十餘里其陰隸

大同其陽隸懷仁山有七峯曰筆峯曰太史峯曰劍峯

曰鰲峯曰白雲峯曰摩天峯曰玉女峯七峯羅列摩天

峯最高其脊有青石盤旋至巔遠視似龍壁有玉龍洞

洞口風聲迅疾深杳莫測又有天橋東壁鑿石梯百級

援鐵組偃僂側足而度洞上巉巖聳出中建恒嶽行祠

風雨不侵又東三里有黃龍洞

蟬房山東北距府治六十里高七里盤踞四十里西連懷

仁馬石嶺北連七峯山南之月窟嶺一峯壁立土人名

丈人峯上有磚浮圖佛寺晉遼建

懷仁縣西北十五里曰鷲毛口由里入莊河所導源也又西北五里曰得勝山山脊崎嶇鑿梯級攀躋而上

陳家峪山東南距懷仁縣治二十里相傳宋將楊業兵敗於此攷宋史潘美王侁陣於陳家谷口趣業進戰使人登托邏臺望之在今朔州西南寧武山上是陳家谷必附近朔州今懷仁西北之陳家峪距朔州西南境約二百里有奇且是時遼復取寰州爲今馬邑縣業等自鴈門帥師北行戰敗引還不當反越馬邑而北也又西北五里有團山上有寺以上諸山俱在禪房山東南岡嶺

大同府志

卷之四

山川

三

相接

由鷲毛口而南曰清涼山東距懷仁縣治十五里高二里許巔有甕浮圖數十里外可望見舊有利國鐵冶元西京爐冶之一也北壁有石礮土人云內有金鑽約三寸許觸之輒動取之不出石堂內有地鼓石擊之聲似鼓西有寒泉雖盛暑不敢飲下建文殊院

錦屏山東距懷仁縣治二十里山峯聳翠若屏舊有磁窰鐵冶金史地理志懷仁有清涼山錦屏山卽此

蘆子山東北距懷仁縣治二十五里其下爲蘆子口村舊亦有鐵冶

小峪山東北距懷仁縣治二十里小峪口水出焉東南注于桑乾河山頂有張萬戶洞其西南曰鵝鴿峪東北距縣治三十里又西南曰牙余山紅山峪上有捨身崖東北距縣治三十五里

大峪山東北距懷仁縣治五十里盤曲二里與左雲縣四峯山連接雙峯對峙林木森鬱上有鵬窠寺亦謂之鵬峪路徑差廣可行車南達鴈門西通紅羊峪蓋雲西代北要道也大峪河導源於此東流入桑乾

燕家山東北距懷仁縣治六十里上有燕家洞石鑄燕洞賓重修五字又西南十里曰金龍山山下有泉通馬邑

大同府志

卷之四 山川

四

金龍池

金仙山東北距懷仁縣治五十里乃黃花嶺之北阜也上有金仙洞懸石如樓閣又南曰滴水崖石壁有孔日滴水數壺可供一人

黃花嶺山脈自馬邑北洪濤山來南距山陰縣治西距應州治皆四十里東北距懷仁縣治六十里新莊河北來遶之桑乾河逕其南平坡長坂屈曲聯絡延袤五十餘里元大德四年發軍民九千餘屯田其地以濱河土沃故也古名曰黃瓜堆北魏穆帝六年嘗於故平城南百里灑水之陽黃瓜堆築新平城北齊天保六年柔然攻

肆州文宣自晉陽討之至恒州黃瓜堆水經注亦作黃瓜阜其後訛瓜爲花唐嗣聖四年朔州烽警詔總管黑齒常之與戰黃花堆元和中沙陀朱邪執宜保神武川之黃花堆是也金史地理志註應州金城縣有黃瓜堆山陰有黃花嶺則誤以爲兩山矣史記趙武靈王十九年之代北至無窮西至河登黃華之上正義曰黃華西河側之山名卽今朔州西五十里之西華嶺不在府境米家嶺在黃花嶺南大于口在嶺西俱隸山陰縣

由雷公山迤北而東曰方山南距府治五十里高二里盤踞三十里一峯壁立巔有北魏諸陵俗傳神皇墓其左

大同府志

卷之四

山川

五

如渾水北來逕之水經注如渾水流逕方嶺上有文明后陵陵之東北有高祖陵二陵之南有永固堂魏書太和元年於方山建思遠寺三年起文石室靈泉殿五年建永固石室舊志所謂方山宮遺址也明嘉靖十八年總督毛伯溫所築鎮邊鎮川宏賜鎮河鎮魯五堡分布山麓

少南曰神山唐書沙陀傳李克用引軍自神堆夜入雲州疑卽此今土人謂之孤山下有孤山村又南曰野孤嶺南距府治二十六里

方山之東曰紇真山西南距府治五十里高二里盤踞十

五里南連採掠山北界邊牆隋書地理志雲內有紇真山猶言千里也山冬夏積雪一名紇干唐昭宗曰紇干山頭凍殺雀則其山峰峭峻高寒異常大非

採掠山西南距府治四十里盤踞二百四十里東連陽高之雲門山西南連小白登上建採掠大王廟及採掠觀山多產藥草明代藩諸墓在焉按採掠山之名見於金史地理志北魏書謂之石會山明元帝大閱東郊講武以山陽侯奚斤元城侯元屈行左右丞相大獮於石會山是也又石勒時人張匄督賜姓石名會見晉書載

大同府志

卷之四

山川

六

紀山之受名無可證實

小白登山俗名馬舖山西距府治七里高一里盤踞三十里上有白登臺東北連採掠山以陽高縣南有白登山故此加小也史記索隱引姚氏案北疆記謂桑乾河北有白登山

圖之所漢書注服虔曰白登臺

名去平城七里如淳曰平城旁之高地若邱陵也李穆叔趙記平城東七里有土山高百餘尺方十餘里卽白登與服如說同顏師古則謂在平城東山上去平城十餘里今其處猶存里數不合蓋漢與北魏之平城雖均今府治其地界稍有差別故水經注旣引服如一氏之

說又云今平城東十七里有臺卽白登臺臺南對罡阜
卽白登山也漢魏時人據漢縣言唐人據代都屬縣言
道元以北魏人記魏京邑親履其地其言必不妄是北
魏平城東十七里卽漢平城東七里今東倉坡以東高
阜處近之而陽高縣東南二十五里之白登山又何以
名其說始於遼史之誤以長青縣爲漢白登臺地金史
因之不知同一白登其在平城東七里者以山言陽高
之白登以縣言魏書天興二年起鹿苑於南臺陰北距
長城東包白登屬之西山廣輪數十里神瑞六年發京
師六千人築苑起自舊苑東包白登周圍四十餘里蓋

大同府志

卷之四

山川

七

魏廣鹿苑遷白登之民於故地東百里外歷齊周隋唐
及遼而如置縣意遼以前必有如今之所謂白登村者
今乃以之氏縣猶敦水流逕白登村南亦謂之白登河
後人以縣名白登遂指縣南小阜爲白登山其實漢高
被圍之處不在此明史地理志大同縣有白登山陽和
衛下但言元白登縣考據最確

採掠山之南聚落之西曰牛皮嶺西距府治六十里高一
里盤踞十里南連土坡山兩崖對峙若頽垣欲落中通
仄徑卽古牛皮關遺址唐書雲中東有牛皮關金史大
同有牛皮關今於此分汛

少咸山在聚落城北俗名聚落山乃採掠山之駢枝也山海經少咸之山敦水出焉水經注敦水導源於少咸山南麓卽今白登河發源山下河兒頭村村西南距府治七十八里

白登河之陰曰白登山西北距陽高縣治二十五里其北有大小白登村乃金元白登縣故治非漢高被圍之白登臺也說見前小白登山下

雲門山南距陽高縣治十里西連採掠山東連天鎮之環翠山北界豐鎮延袤數十里翠屏當面如幃抱城亦名翠屏山卽古之青陂山也唐地理志雲州有青陂道爲

大同府志

卷之四 山川

八

出兵路梁元帝橫吹曲朝跋青陂道暮上白登臺遼之長青縣以此得名其東爲鐵裏門門東西爲大小鶉鴒峪口明嘉靖間王邦直率義兵出塞抵鶉鴒峪卽其處也西北曰清涼嶺

清涼嶺在陽高北少西守口邊外東北距豐鎮廳治百二十里其巔爲神谷有穴名風洞邃不可測守口河導源其麓卽古鴈門水也水經注鴈門之水出於鴈門之山在高柳北其山重巒疊嶽舉雲高連山隱隱東出遼塞以地望考之當卽雲門以東諸山與勾注之鴈門別虎兒山東南距陽高縣治二十里其東爲猴兒山守口河

自兩山間出名開 口金史謂之墨谷 口崇慶元年元帥左都監奧屯襄救西京至墨谷口一軍盡殫卽此迤北爲擅風崖卽古言 柳塞

開山口之南少西曰斷頭山東南距陽高縣治十里明洪武五年指揮章存道從征陽和遇兵於此力戰死兩鎮三關志云斷頭山在陽和邊境外未核

雕窰崖東北距縣治十五里山半有石盆其津漉而漚焉挹之不竭崖遍開黃花土人名金蓮花其下石窰大小一二溝東西分流迤南峯巒突岫下建青龍觀觀前懸石如屋巔有石洞援鐵 杵而上西峯尤高名樞密寨上刻

大同府志

卷之四

山川

九

詩云不知通得天台 否鐵索懸崖度石橋以在縣治西故謂之西巖其實皆雲門枝幹也

龍混山一名偏梁寨東距陽高縣治五十里山勢嵯峨石壁峭立上有石佛洞 亦援鐵索而登

環翠山南距天鎮縣治一十里西連雲門山東北連直隸萬全縣之帷臺嶺綿亘五十餘里白羊榆林諸口胥在南麓其巔名蓆麻山 當係蓆麻之訛元史哈納散駐軍蓆麻林卽今洗馬林 在萬全境內地本隣接鄙語云

以產蓆麻草名非所 也山腰有洞大如屋下有溝清泉活活四時不涸峯 獨聳爲城西北之屏障北五里

爲臥鷹山又北爲二郎山

二郎山南距天鎮縣治三十五里高二十里雲霞出山之

半中建三聖祠少西曰樺嶺多產樺其下甘泉一泓不

涸不盈晨雲起則雨所謂樺嶺朝雲也南邊口水自邊

外來逕其北流入西洋河

大梁山西南距天鎮縣治四十里懸崖峭壁高數百丈險

埒鴈門行人循山麓螺旋蟻附而上其北石塘河逕焉

頂有清涼寺雲烟萬竅聖林木蒼翳夏秋之交雜花繽紛

異香馥郁洵邊城一勝境也以上諸山胥在南洋河北

西洋河之北曰雙山西南距天鎮縣治六十三里北界新

大同府志 卷之四 山川 十

平堡邊牆外兩峯對峙巒嶂重叠三春積雪不消謂之

雙山積雪金史撫州柔遠縣有雙山世宗大定二十七

年秋獵次雙山子此其是矣

南洋河之南曰福祿山西南距天鎮縣治八里延袤三十

餘里朱家蘭陵二溝水循山澗北流注於河相傳山伏

白鹿一名伏鹿山雲過此必斷否則雨亦名斷雲山吳

伯輿曰天城伏鹿山之西爲陽和之斷頭山更西爲鎮

城之方山南垂爲白登探掠山歷右玉馬頭了角以入

偏頭而漸達於牛灣黃河此則山之六勢也

枳兒嶺西距天鎮縣治三十里東界直隸懷安縣中立石

限土分二色乃燕雲門戶要塞

牽牛山東北距天鎮縣治五十里石巘盤旋洞谷深杳龍泉自兩峯瀉出環帶左右上有古刹名龍泉寺長楊一株傳是唐鄂公手植南少東曰平頂山東北距縣治六十里又東曰鬚髻山北距縣治五十五里又南曰馬頭山五泉河導源於此

豐稔山東北距天鎮縣治二十里高一里盤踞十里山有一峯四周土坡亦名孤峯山三沙河東來逕其左西北注南洋河山有風洞土人云通清涼嶺之神谷時有羽毛自穴中吹出上建風神廟大風祈禱輒息故又謂之

大同府志

卷之四

山川

十一

風神山蓋豐稔之轉音也山下出泉名風神泉迤東曰

沙梁坡舊產大木北距縣治十里下有西流水

沙梁坡之東少北口盤山西北距天鎮縣治八里初名盆

山前合陳際熙疑之盤谷更今名石巘參差名石蓮峯

大石峭立百丈有奇中通一罅泉瀉澗底曰盤山泉東

巖為石棋坪土人傳三仙奕此石上印仙人掌濶畔古

松一株枝幹蒼老蓋隋唐時物少西有觀音洞仙人洞

道士朱真光所棲止也皆鑿磴架木而上高樓傑閣迥

出林表夕陽在山餘霞綺麗亦名晚霞山山中人又言

夜半見霞云

玉泉山西北距天鎮縣治三十五里巖高十丈許瀑布三
中瀑尤盛其西曰秀峯山兩山之間麻黃水逕之南有
磨石山少東有蕭牆山山脊名黑龍背下有黑龍泉西
距縣治四十里

神頭山在蕭牆山之南西北距天鎮縣治五十里一名筆
峯山籠蟠虎踞二峯高插雲霄東南直接懷安縣界上
有呂仙洞最幽邃繇旁躡陔可望鴈門一名小天門
其麓南北兩源夾而西流與陽門水合自牽牛迤東諸
山皆謂之陽門山水經注所謂鴈門水東北入陽門山
者也山走東北大盡處至會河堡之西爲陽門鎮金時
大同府志

卷之四

山川

三

改置陽門縣皆以陽門山得名

小盤道山北距天鎮縣治五十里南接直隸西寧縣界兩
山對峙道狹而屈曲如羊腸坂經十八折而後下又名
十八盤山其西北曰石梯梁又北曰米薪山北距縣治
二十五里

由小盤道而東曰五家山一作武家西北距天鎮縣治六
十里岡嶺重複中有澗道乃姜前後屯河發源也水經
注託台谷水上承神泉於葦壁北東逕陽門山南託台
谷謂之託台水縣志云天城縣脉自西來而南東起五
豕山左界沙河源右界神泉中起託台谷又北起陽門

山則今大人溝義門村之間近古託台谷今灰窰溝近古葦壁皆當在五家山西北也

由彌陀山而東其在得勝口外者曰奚望山新城得勝二河之所逕也南距府治九十里北距豐鎮廳治十六里上有關雞臺唐乾符中雲中守捉使李克用偕程懷信等募士萬人次於此金史地理志大同縣有奚望山今名望城坡山舊志載奚望山一名岐王山在大同縣北九十里上有岐王墓又云岐皇墓在府城東三十里塚頭峻絕如山亦名祁皇山言多矛盾省志亦沿其誤

三台道山在望城坡西北高坡叢石路徑險仄北距廳治大同府志

卷之四 山川

三

八里許得勝河西來逕之一名三台道河東南注於如渾水省志載焦山在大同北明嘉靖間大同叛卒亡出塞退保焦山今朔平府左雲縣北之焦山在助馬邊內與出塞之說不合三台道爲得勝口外出入要路現在設兵防汛其左近有村名焦山尾疑焦山卽三台道山尖山子南距廳治三十五里其西北爲大壩山東南距廳治四十里越兩山而北爲五字圖廟及蒙古賽拉嗎克特不黑地又北則正黃旗總管之所治也

大壩山之南曰白牙叉山東南距廳治三十里下有村名十八兒太蓋言黃土溝也山之西接寧遠廳界東連石

田嶺嶺東南距廳治二十里

留雲山在廳治西北五里下有留雲峯迤東陂阜橫亘亂石犖确城北枕以爲險又北曰興旺嶺南距廳治十里以上諸山俱在新城河之西

新城河之東北曰牛心山西南距廳治六十里孤峯直上高五十丈有奇其西北重巖複岫若拱若翼直跨正紅旗遊牧地下掘長塹爲界環山屈曲蒙古營帳碁布塹外陟巔北眺則威寧集寧葫蘆菱角諸海了了可辨大青山委蛇西來雲霧杳冥遠在二百里外攷魏書太祖登國元年自弩山遷幸牛川屯于延水南天賜三年行

大同府志

卷之四

山川

西

幸青牛山西登武要北原觀於九十九泉按于延水卽今東洋河九十九泉在今歸化城北青塚南武要於漢屬定襄郡亦近今朔平邊外疑青牛山卽今牛心山而山以北之平川亦近古牛川也明嘉靖間天同烽警時總兵梁震戰捷牛心山則在今右玉縣東南四十五里牛心山之西少南曰廣收梁西南距廳治五十里又東曰八楞山曰松栢山俱西南距廳治八十里

石元山西距廳治五里盤踞二里高二十丈平野獨秀如擎芝蓋新城河北來逕其右亦名新城山其左靈泉出焉西南注於河巔有古寨址傳是五代周德威屯兵處

無可證實旁古井一深不可測 以小石投之鏗錫震蕩
良久乃寂東十餘里曰東山巖 南北橫臥少西曰吉慶
梁西距廳治十五里

鎮川口之外曰盤羊山西北距廳 治八十里東南接乾柴
洞土人云山舊產盤羊卽羴羊 代都賦所謂羴羊者草
以盤旋也盤與蟠通用北魏太 祖天賜四年夏五月北
巡自參合陂東過蟠羊山太宗 泰常六年夏六月北巡
至蟠羊山疑卽此其西南曰十 九山與邊內統真山相
接

乾柴洞山在陽高邊外清涼嶺之 北西北距廳治百里舊

大同府志 卷之四 山川

五

有礦洞今封塞

慈老壩西北距廳治百八十里南 直鐵裏門徐化溥詩引
塞上一種似鴈非鴈與鴈往來 名曰慈老山之受名未
詳或曰卽鷓鴣峪

五煙圖山西距廳治六十里東有 豐收嶺西距廳治七十
里

天花板山西距廳治百三十里

三道溝山西北距廳治百四十里 水泉壩西北距廳治二

百里兩山之間曰葫蘆速太猶 言榆樹溝西洋河導源
於此東入馬市口古延鄉水也 水經注延鄉水出延陵

縣西山

狼頭山西南距廳治百二十里疑一即古豺山北魏離宮所
在也東接旗桿梁又東曰平頂山東西延長十餘里與
明暗山接

平頂山之北曰桃花嶺少西曰彩雲嶺俱西南距廳治百
三十里彩雲嶺之西曰玉泉山頂有清泉又北少西曰
察哈奧包山上壘石為小祠蒙占俗謂之奧包一作鄂
博故稱奧包山西南距廳治百二十里北接正紅旗界
正黃旗之南曰黑山子西南距廳治二百里踰山而北為
正黃旗總管治按明史嘉靖間大同烽警前衛總兵周

大同府志

卷之四 山川

夫

一尚文與戰黑山進至涼城水經汪如渾水出涼城旋鴻
縣即今察哈爾境內之葫蘆海在黑山之北疑尚文戰
處即此山矣王越周壘傳亦稱黑石崖疑一山異名然
一府境所稱黑石崖者甚多未能確指其處又古豐州境
有黑山與雲內州夾山相連則在今歸化城西南非此
黑山

大青山在高廟之北西南距廳治二百二十里北接察哈
爾正黃旗界山有數峯東一峯尤高蒼翠峻嶒故土人
亦謂之大青山東洋河北來遶其麓東入直隸張家口
桑乾河南之山自代州北勾注迤邐而東其在山陰縣南

三十五里者曰復宿山高入漢表雲生其上則雨俗名
草梁山金玉拱碑云文殊大師經行畱宿處故又名佛
宿山下出水名何家泉西去五里爲化悲巖兩峯嵯峨
壁立千仞東巖有石窟深廣可避風雨中建北嶽祠中
窟聖水滴日盈缶以禱雨奇驗南爲水峪口通代州界
金史地理志應州金城縣有復宿山金城應州治山陰
舊隸應土壤相錯故悞屬之耳明王文端家屏山陰人
其故居名復宿山房

夏屋山卽復宿山之東元魏天興六年行幸南平城規度
灑南面夏屋山背黃瓜堆將建新邑南平城爲今山陰

大同府志

卷之四

山川

七

縣地灑水卽濕水爲今桑乾河在山陰縣北則縣南大
山當卽古之夏屋矣縣志云磨笄石在縣南夏屋山引
史記趙襄子北登夏屋擊殺代王平代地代王夫人磨
笄自殺爲証按正義云夏屋山一名賈屋山今名賈母
山在代州鴈門縣東北三十五里與勾注山相接蓋北
方之險又云磨笄山一名磨笄石亦名爲山在蔚州飛
狐縣東北百五十里是磨笄夏屋明著爲兩山不當云
磨笄石在夏屋山也又攷魏土地記代郡東南二十五
里有馬頭山趙襄子旣殺代王使人迎其姊代王夫人
夫人磨笄自殺今直隸易州之廣昌古飛狐縣蔚州乃

古代國蔚東南之馬頭山卽古磨笄西距山陰縣三百餘里而北魏灑南之夏屋與史記所載實爲一山在今代州山陰之間漢志所謂廣武有夏屋山者也省志又言北魏天賜三年校獵至屋孤山或曰卽夏屋未審所據

龍門山北距山陰縣治三十里一名隘門舊志云上有魏文成帝御射臺碑陰刻從臣姓名以魏書文成紀水經滌水注覈之當指靈邱縣南之太白隘門山言不當在山陰南說詳古蹟

香山北距山陰縣治三十里乃夏屋之別支三峯齊列松石蒼翠明王濬初詩所謂夏屋山前青玉案三峯卓筆凌霄漢也下有村名沙家寺遼沙節度墓在焉南爲榆林口白泥河導源於此

應州南四十里曰茹越嶺壁立如屏中有書堂巖金進士曹之謙結廬處東北溝上有遊靜坡

其東曰龍灣山西北距應州治四十里山勢嵯峨灣曲上有龍池下爲大小山門宋朱弁記南山之麓平坡峻坂林木深秀卽其地也少南曰香峯山上有香峯寺

翠微山西北距應州治三十里東起北嶽恒山之右龍首山西迤茹越龍灣諸峯西南連勾注山蜿蜒環疊袤二

百里有奇橫列州南似翠屏高不可用勾股海島法量
自復宿夏屋而東凡在山陰應州南者胥謂之南山因
山爲塞昔稱扼要湖峪馬蘭茹越小石大石北裏諸口
分布聯絡路迪代繁峙其下衆水分流東北入渾河西
北入桑乾河

護駕岡北距應州治三十里相傳魏孝文駐蹕於此趙霸
岡西距州治二十五里南北橫臥右脇下卽渾河與州
西山陰北之黃花岡是爲三岡

邊耀山西南距應州治三十里東界渾源州西北界大同
縣形類蠓蜒盤廻二百餘里其下崢川水南來逕之一

大同府志

卷之四 山川

九

名龍首山兩鎮三關志廣靈之六稜源於龍首又云蔚
北山名襄始脉應州而盡於蔚城東皆指此山一統志
鴈門龍首相應故州以應名按後漢志註勾注在陰館
史記漢蘇意軍勾注應劭曰山險名也在縣爾雅八陵
西隄鴈門是也郭璞曰卽鴈門山蓋古之鴈門山綿亙
甚遠不能限以今代州之鴈門關且應州金城縣本漢
陰館縣地見遼史地理志則應南諸山於古皆爲勾注
其東北爲龍首山州介兩山之間相應之說不爲牽合
余睹谷一作余都舊志不載省志謂在山陰縣南金史太
宗紀大會二年十月間遼主從者不過四千戶有步騎

萬餘欲趨天德駐余都谷二年二月婁室獲遼主於余
睹谷應州續志云按遼史天祚紀至應州新城東六十
里爲金將元顏婁室所獲而金史宗幹傳則云獲遼主
於應州西余睹谷又海里傳云海里從婁室追及遼主
於朔州阿敦山遼主從數十騎逸去婁室遣海里往見
諭使降遼主窮覺待於阿敦山之東婁室因獲以歸合
數條考之則余睹谷當在今西山口一帶而新城更在
其西也

北嶽恒山在渾源州治南二十里高十里周一百二十里
北連玉華峯東連栢山東南連槍峯嶺山脉繇陰山南

大同府志

卷之四 山川

三

入朔平府境歷朔州西折而東爲勾注復宿夏屋茹越
書崖翠微突起於州南爲恒山山之巔曰天峯嶺下建
北嶽觀左巖竇曰還元洞右爲飛石窟兩崖壁立豁然
中虛相傳爲曲陽安玉石符券上建后土祠鎮之觀前
風似虎吼名虎風口得一菴在其上以道士魏得一名
觀東南五十步有元武井一甘一苦能已疾疑卽福地
記所稱太元泉也泉上建龍泉觀其東有夕陽巖日入
崦嵫巖獨明巖下有通元谷唐通元先生張果隱此巖
東面有碧峯嶂東南有果老嶺綿亙峻險其下巋然蹲
峙者曰白虎峯觀之北峯頂百餘步有琴棋臺一峯突

一 出俯視諸山如攢戟覆狄臺下爲會仙府又東北爲白
雲堂中有洞初入山有 名步雲路碣銘塞外第一山
一行數里有翠雪亭上亭坡名望仙嶺東半崖有集仙洞
東北有紫芝峪明嘉靖間採取北嶽元芝處也下有巨
石方半畝階級天造曰振衣臺西南有石脂圖石版作
五色紋類雲母彈丸明珠膩者可作散又有總真洞白
龍洞爾雅恒山爲北嶽尚書大傳謂之宏山漢諱孝文
帝名改常山唐元和中名鎮岳宋諱真宗名亦名常山
水經注謂之元岳又名陰岳紫岳葛洪枕中書謂之太
恒山亦稱恒宗命岳茂邱皆恒山別名也按禹貢註史

大同府志

卷之四

山川

三

記趙世家註漢地理志註皆云恒山在上曲陽縣杜氏
通典文獻通考亦云定州曲陽縣北岳恒山在焉蓋漢
唐之恒山郡並在恒山東南而北魏之恒州北齊之北
恒州則在恒山之北曲陽在隋爲恒陽縣渾源元初爲
一 恒陰縣山南曰陽山北曰陰其實皆以山得名名山記
恒山周廻三千里管子曰恒山北臨代南俯趙東接河
海之間今渾源南二十里之恒山與舊阜平東北之大
茂山綿亙三百餘里勢本聯屬第山脉自北而東而南
騰躍入紫荆倒馬以達於曲陽是大茂乃恒山之脊而
突起於渾源南者其來龍也尹耕三曲陽辨言之甚詳

玉華峯在磁窑峽上北距渾源州治十里雙峯如削玉高二里盤踞六里北連翠屏山

翠屏山北距州治七里高二里盤踞四里秀麗似屏其東南麓涑水出焉一名高氏山水經注涑水出靈邱縣西北高氏山山海經作高是明史地理志渾源南有翠屏山

玉華峯之東少北曰柏山西北距渾源州治十里高里許盤踞五里山多柏上有香爐峯孤起屹立西南連恒山朱弁記所謂柏梯凌峙於南山之北也故亦名柏梯遠

大同府志

卷之四

山川

三

望峪在其下峪中有泉

五峯山西距渾源州治三十里高四里盤踞十三里五峯如削上有三陽洞明史地理志渾源東有五峯山

槍峯嶺在渾源州治東南五十里卽明史地理志靈邱縣西北之槍峯嶺也高二里盤踞十六里南連孫臏山嘔靈河經其麓

孫臏山西北距渾源州治六十里高三里盤踞九里東有孫臏寨西去數里有龍涓寨均非所詳也南麓千佛洞鑿石而成

龍山一名封龍山東北距渾源州治四十里高三里盤踞

八里兩嶺中分處建大雲寺嶺西爲文殊巖危峯怪石
巖旣巧鬪其北曰萱草坡山之絕頂也金麻革有記東
北曰惠嶺秀麗可愛又名秀麗嶺嶺下有黑龍池雲升
不崇朝而雨元初李冶元好問張德輝嘗遊此時稱龍
山三老

東北五里許曰玉泉山高半里盤踞二里石罅出泉瑩如
玉環玉泉寺所謂玉泉寒溜也西有望景臺甚險

橫山東距渾源州治二十里南北橫亘如城故崞縣在其
左高一里盤踞五里疑卽水經注所稱崞山說詳沿革
嘴側有乳泉水

大同府志

卷之四

山川

三

龍首山之東曰畫錦山東南距渾源州治二十二里高二
里盤踞六里以元工部尙書孫公亮予告歸爰名山焉
按元史孫拱渾源人歷官工部侍郎見工藝傳疑卽其
人又東曰龍角山高二里盤踞七里雙峯竦峙似龍角
北距州治二十里

鳳凰山東南距渾源州治七里高二里盤踞五里神峪水
發源山麓西南注崞川水明司務孫聰建鳳山書院於
此詳見古蹟

枚迴嶺東南距靈邱縣治三十里乃高氏山之枝麓滋水
一出焉其東界渾源北界廣靈俗傳竇建德返乘處謂之

迴嶺山山下有牛口峪按許氏說文滋水名出牛飲山
白徑谷疑卽所謂牛口峪也返乘之說殊謬

太白山其脉自恒山東來若斷若續至靈邱縣南二十里
復拔地而起高極雲表爲邑諸山之冠石磴十八盤延
袤數十里山有鍾乳穴滴如懸穗初夏積霰古冰厚數
尺徑多叢木茂草虎狼錯跡惟山陽地頗廣衍產黃花
蕨菜爲茹甚美其陰澁水逕之魏書靈邱南有山高四
百餘丈和平二年高宗過之詔從官仰射山峯無能踰
者高宗一發出山三十餘丈過山南二百二十步遂刊
石勒銘卽其處也遼史謂之東白山今土人猶稱太白

大同府志

卷之四 山川

三

一 崑云

柏巖上有古寺煙燻巖樹木窅黑濃如墨漬石作火燼色
俱北距靈邱縣治四十里

野窩嶺在太白山之西東北距靈邱縣治三十里路通鐵
嶺口山半舊有礦洞

太白山之東少北曰隘門山西北距靈邱縣治二十里兩
山虎踞中通澗道數丈澹河自西來入焉水經注澁水
自縣南流入峽謂之隘門設險於峽以譏禁行旅明史
地理志靈邱縣東南有隘門山今夏秋間暴漲水石礮
擊梯徑胥絕峯頭一二塞垣石子壘壘傳是宋楊延昭

把守三關遺址

覺山西北距靈邱縣治三十里由隘門山峽入取道巖石間路裁容騎右壁峭挿千霄左絕澗數百丈怒湍雷礮衆山殷響上有古刹名覺山寺元魏建白浮屠古井猶存又有鐵確巘懸鐘巖舍利洞山空月明巖際嘗聞棋子剝啄聲土人以爲飛仙往來云

鴛毛嶺北距靈邱縣治七十里路徑叢岐下關巒嶺等村分布嶺下南通鐵嶺關

鎗嶽嶺西距靈邱縣治二十里直上千仞鑿壁數十盤石齒皆斧鋸痕多野芍藥叢生石縫間闕時蜂聲不絕西

大同府志

卷之四 山川

三

去二里許曰孤山平野孤峙故名

東五里許曰三山三峯平列如古邱壘狀三山堡踞其前地多渠壑路叢雜突入者不易辨又東十里曰銀釵嶺金大定六年世宗幸西京獵於銀山卽此高山旁立嶺陡路岐東接直隸廣昌界明史楊博傳所稱塞銀釵驛馬諸嶺以絕窺紫荆路者也或言姐已過此墮釵亦名遺釵嶺未聞所據

崆道山在鎗嶽嶺北一名二道峽西南距靈邱縣治二十里奇險過鴈門兩峭壁竈立數十丈中通溪路濶數尺暑月雨水暴漲則亂石繞轉而下行者病之其西五里

兩峯巖崿然曰駱駝山東十里有聖水山山下出泉又名龍泉山自鎗嶽嶺以下至此並在落水河之東

義泉嶺西南距靈邱縣治三十五里山勢稍拓一嶺當關盤踞十餘里落水河導源其南嶺半界石與廣靈縣分壤迤邐而西曰黑山曰團山曰貓兒山岡嶺相接

野窩嶺之北曰鼓子山東距靈邱縣治三十里平地突兀似石鼓故名西十里許有黑龍谷又西十里有流石山石理作劈斧紋又西十里曰紅山石赭色

花山東南距靈邱縣治十二里山多雜卉

漫山東南距靈邱縣治六十里山勢紆徐旋折南接紅山

大同府志

卷之四

山川

三

東連枚迴嶺

越義泉嶺而北少西曰臨灌山石家泉出焉一作林管一名林關峪傳寫之異也東北距廣靈縣治四十里東臨絕澗西倚危嵯谷深林密上有古城址亦稱楊六郎城無可證實又北二十里有天井山古井深五六尺雖旱不涸

真峪山北距廣靈縣治十五里唐書地理志靈邱縣有真谷關時廣靈未析也谷之左爲紅沙坡東接蔚南山上有古長城址漢元光五年築巒泉自南來漚爲小河北注於壺流水

少東曰雷老山羣峯似戟昔袁吉棄父於此其子袁表諫而載歸山以此名故里在山下名雷老曠

加斗山一名神峯西北距廣靈縣治二十里西接榆杏山西北接雷老山峯巒峭立內有石竇似門明時建寨其上名鐵裹腰封寨山下加斗村乃元總管聶諒故里榆杏山北距廣靈縣治二十里石泉懸流兩崖松鬱所謂聖泉松風也自臨灌直峪以下至此並在壺流河之南白羊山東距廣靈縣治五十里停雲閣霧離奇窈冥上有觀音寨乃古白羊寺遺址大小白羊村在其東麓下有小河受瑞泉水東北注壺流河西小山曰馬蹄嶺有馬

大同府志

卷之四 山川

七

蹄跡

望狐山東距廣靈縣治六十里土人傳有神語人曰予近居此語訖人望見引狐入山故名其言不經按古之飛狐岌在今廣昌蔚州間疑望狐之名實肇於此又廣靈縣南有壺流河東南有壺山壺狐音近或傳訛耳

白羊山之東十里許曰斷架嶺俗傳有竇建德墓非所詳也又東曰石梯嶺石磴陡絕東距縣治二十里

壺山西北距廣靈縣治一里環山皆泉卽壺川水遇逢山北距縣治一里上有仙人足跡

飛鳳山西距廣靈縣治二十里一岡突岫下有洗馬莊元

侍郎龐清居此清嘗官洗馬

巧八山南距廣靈縣治二十里一山中峙四圍七山環向
東南延袤十五里山半有滴水崖泉自穴中出滴水成
潭

九層山東南距廣靈縣治二十五里明史地理志廣靈北
有九層山是也上有九層臺產花斑石臺下出水名一
斗泉又縣西北五里有千福山一名千夫山相傳前代
遣千人取花斑石先禱神祠今鄉民多祈福於此

大山一名平頂山南距廣靈縣治三十里徧道直躋峻而
不險至嶺巔差廣復聳一山爲平原塢北瞰陽和塞南
大同府志

卷之四

山川

三

望太白峯道通天鎮陽高折西爲夾石溝磴道狹曲乃
北界之屏障少東曰瓦房山以形似名

廣靈天鎮之界曰六稜山東南距廣靈縣治七十里北距
天鎮縣治百二十里山脉自應州龍首來其勢雄峻前
後各垂三脊故名六稜嶮巖巒嶮攀躋極難北眺桑乾
如帶縈繞其下蓋天然阻隘也迤西爲火燒嶺赤崖爛
然其南稍寬坦嶺脊壘石爲邊延袤數十丈踰牆而北
徑復險仄

樺山西南距廣靈縣治四十里上有三分岔其險峻
龍澗山北距天鎮縣治百二十里一名青雲山上有鷲峯

寺石鼓西有黑龍洞石乳涓滴下有石盆承之歲旱輒水輒雨以上諸山皆六稜山分支也

府境之川以桑乾河爲經府屬豐鎮大同懷仁山陰應州廣靈陽高天鎮之水渾源西流之水皆滙焉其源潛承汾陽燕京山天池伏流至朔平府馬邑縣雷山之陽滙爲七泉曰上源曰玉泉曰三泉曰司馬洪濤曰金龍池曰小蘆曰小蒲七泉合而爲一是爲桑乾河漢志陰館累頭山治水所出武五子傳作台水桑欽謂之濕水北魏書謂之濕水亦曰桑乾川酈道元曰卽潦涓水蓋桑乾之轉音也其水自泥河村東南流逕山陰縣西三十

大同府志

卷之四

山川

三

里之河陽堡入府境東流逕安銀子村遼蕭后駐兵處北逕安居坊又東北逕新舊岱岳村北魏泰昌間建岳瀆祠於桑乾之陰或其遺址折而東逕黃花嶺南之後小圪塔水經注所謂桑乾水逕黃瓜阜曲西又屈逕其堆南者也又東新莊子河出大于口自左注之又東逕安昌寺麻合疇東湖嶺諸村入應州界東逕州西二十里之涼亭村其右黃水白泥二河繇師家坊東北流注之又東逕大營村木瓜河西來注之又東逕北賈寨曹娘子村左得磨道河之水又東左得清水河復折而北逕白塘子村又東鹽鱓二河納南山諸口之水曰右注

之又北逕屯兒村里八莊河南流注之又東逕西安堡南堡在懷仁縣東南三十里順治六年大同縣所移治也其左崞川水循邊耀山北流注之又東北逕鄭家莊入大同縣界左得大峪口紅山峪之水又東逕新橋村古冢坡與如渾水會又東逕甕城驛古定橋北明嘉靖間御史宋儀望請開桑乾河言源發金龍池下甕城驛古定橋卽此又東逕徐疇南又東北逕于家寨補村明史作卜村所謂大同卜村有叢石者也又東逕西冊田貴仁村東冊田亂石村西堰頭梁家馬營入陽高縣南川界又東南逕黃土梁南又東逕東堰頭大柳樹小石

大同府志

卷之四 山川

三

莊南又東至西馬營入天鎮縣南川界又東逕蘆子屯北嘴兒圖南五泉河石門溝之水自左注之又東逕六稜山小鹽場南又東至直隸西寧縣白家泉出境與壺流河合又東北流至保安州東南與洋河合按水經注濕水東合武周塞水東南逕黃瓜阜又東北左合夏屋山水又東北逕魏亭西又東北逕白狼堆南又東逕巨魏亭北又東崞川水注之又東逕班氏縣南如渾水注之又東北逕北平邑縣故城南又東逕沙陵南又東逕猗氏縣故城北又東逕道人縣故城南又東逕陽原縣故城南陽原卽今西寧縣黃瓜阜在山陰縣北夏屋山

在縣南武周塞水卽今大于口水與武州川別白狼堆
在應州西北巨魏亭在州北如渾水繇今府治南三十
五里會武周川入桑乾則班氏當在大同縣南而北平
邑沙陵猗氏道人當在陽高天鎮縣南西寧之西皆桑
乾河經流之府境也陽高縣小石莊渠一道由大同縣
西堰頭引入灌田數十頃乾隆三
十三年知縣石文秀奉文疏濬天鎮縣東太保西太保
村小渠六道引水灌田二三四頃不等每年祇週用三
道又小鹽場村小渠三
道引水灌田三四頃

如渾水導源察哈爾正紅旗遊牧之葫蘆海水經注如渾
水出涼城旋鴻縣西南者也由賽拉嗎克特不黑東南
流入豐鎮廳北牧地之永旺莊南逕三祝窰又南逕湧

大同府志

卷之四 山川

月灣又南逕民地之慈老溝又東南逕新城灣謂之新
城河靈泉自左注之又南逕焦山尾又南逕河口灘行
廳境凡五十餘里繇鎮羌邊牆水口南流入大同縣界
又南逕宏賜堡又南逕榆澗村孤山村得勝河西來注
之左得八墩口之水又南逕孤店明成化間巡撫王越
率兵出孤店潛行至貓兒莊進至威寧卽此又南逕馬
站村白馬城又東南逕紫角村西紅花場東又南逕府
東門外之興雲橋謂之玉河橋亦名玉河橋元泰定元
年河東元帥圖綿重建更今名朝會轉輸東趨京師必
踰是焉金史地理志大同縣有如渾水玉河實一水也

其水東逕金大定中所立邊元忠碑溢而西出者曰柳港環植楊柳綠陰交翳昔郡人刺小舟消暑於此所謂柳港泛舟也今已涸如渾水又折而南逕郝家莊沙嶺子寺兒村鋪南北獨覺寺其高阜爲獨覺岡有代藩諸墓又南合武周川水至高家店入桑乾河隸縣境凡百四十里按水經注如渾水出旋鴻縣西南五十餘里東流逕故城南北俗謂之獨谷孤城水亦卽名焉東合旋鴻池水水出旋鴻縣東山下水卽成池北引魚谿水南流注池池水吐納川流以成巨沼右合如渾水是總二水之名矣如渾水又東南逕永固縣右會羊水亂流逕

大同府志

卷之四

山川

三

方嶺又南至靈泉池枝津東南注池池渚舊名白楊泉泉上出白楊樹因以名焉南面舊京北背方嶺左右山源亭觀繡峙方湖反景若三山之倒水下如渾水又南分爲二水一水西出南屈入北苑中歷諸池沼又南逕虎圈又逕平城西郭內又南屈逕平城縣故城南又南與武周川水會又南流逕班氏縣故城東又東南流注於濕水一水南逕白登山西又逕寧先宮東又南逕平城縣故城東水左有大道壇廟右有三層浮圖其水自北苑南出歷京城內河于兩瀆累石結岸郭南結兩石橋橫水爲梁又南逕藉田及藥園西明堂東引水爲辟

雍又南與武周川水會今如渾水自方山南漸趨而東
又透蛇而南其西出而南之枝津泉池大槩涸塞錄之

以見拓拔魏建都時其水道通行如此郡人郭傳芳撰

思碑畧云龍沙止生寒黍不知六穀有穀稻先生
開渠東阡因玉河下流且溉且糞立田秔稻千畦

得勝河一名三台道河源出察哈爾正紅旗遊牧地由朔

平府屬寧遠廳東流入豐鎮廳西二十五里民地名常

稔莊又東逕富喜村東南逕二十一溝三台道山南流

入得勝口又東南逕孤山村入如渾水按水經注羊水

出平城縣之西苑外北出東轉逕燕昌城南又東注於

如渾水疑卽今得勝河也

大同府志

卷之四 山川

三

靈泉出豐鎮廳東石元山麓東北百步許清冽淵涵時有

一物蜿蜒其上禱雨多驗其水西南流屈逕山南又南逕

新城灣西注於如渾水

武周川俗名十里河源發塞外菱角海由古雲內城入朔

平府北之殺虎口東南逕左雲縣雲岡石窟寺南其東

一窟靈泉出焉南流數十步注之川水東逕青磁窰入

大同縣境又東逕蝦蟆碭石灣石壁鐫佛字大徑丈又名

佛字灣水經注武周川水東南流水側有石祇洹舍并

諸窟室又東轉靈巖南鑿石開山因崖結構山堂水殿

煙寺相望卽其處矣川水又東流出小站口循山麓屈

曲而南魏土地記所謂平城宮西三十里武周塞口者也折而東逕王家園北又屈逕其東古杏數百株吐花極繁疑明代府別業又南逕平旺村時家莊東又東南逕東西十里河村口泉峪之水西來注之又東南至合河口與如渾水合沿河各村居民開渠引水資以灌溉口泉導源坤雲山北口泉峪滙爲方池池上結小亭西有橋歷橋陟磴數十梯而上有泉神廟廟左古井一乃泉源也其水東北流逕煙嶺村又東北逕口泉村又東注武川水按水經注火山水發火山東谿東北流出山山有石炭火之石間樵炭也疑火山水卽今口泉其西山

大同府志

卷之四 山川

三

猶產石炭云

口泉村民開小渠分流灌田頗稱沃衍

鷺毛口水源出懷仁縣西北十五里鷺毛口山東流逕縣

北里八莊名里八莊河東南逕下寨村新發村又東南

逕應州界入桑乾

小峪口水出懷仁縣西南二十里小峪山東流逕縣南十

五里名磨道河又東逕路家莊又東南逕乾溝村又東

北入應州界注桑乾河

大峪口河卽左雲縣南之馬頭河由吳家窰東南流出大

峪口入懷仁縣境東逕縣南曹家莊田家莊水磨村東

北入應州界又北逕大同縣南鄭家莊入桑乾河

宋家莊河在懷仁縣南二十里又南十里爲薛家莊河俱自縣西南紅山峪導源東南流入大峪河以達桑乾

新莊子河發源懷仁縣南七十里新莊村西南流逕黃花嶺出太子口入山陰界東南逕前後小圪塔入桑乾攷水經注武周塞水出故城東南流出山逕日沒城南東有日中城城東又有早起城在黃瓜阜北曲中其水又東流注桑乾河今大同縣西南百三十里有黃皆城疑卽古日沒城懷仁縣南六十里有日中城堡疑卽古日中城則武周塞水當卽鷲毛小峪大峪紅山峪諸口之水東南入桑乾者俱在黃花岡之北蓋古之武周塞在

大同府志

卷之四 山川

三

今大朔二府之界盤踞數十里其自武周塞北出東轉又東注如渾水者曰牟水一水也自靈巖南又東南流出武周塞口者謂之武周川又一水也與黃瓜阜北曲中之水支派各別

山陰縣北黃花嶺南諸村資其灌溉

黃水河源出朔州東南之三泉流逕辛村元英村寢散亂復聚於黑圪塔疑卽水經注所稱桑乾枝津也其水東北流逕忠州故城北金貞祐間升山陰縣爲忠州築此城又東逕山陰縣城南復宿山之水自右注之所謂東北左得夏屋山亦者也屈而北逕縣城東又東逕東西五福頭又東逕應州境之東辛寨至師家坊入桑乾河

明萬歷後自上河西奔潰北徙迨城西址知縣劉以守相度高下隄防疏濬引歸故道 國朝乾隆年間水復

漫溢知縣葉丕葆於東門外開頭道河導水而北三十

三年知縣常愷奉文疏濬

舊志知縣劉以守水利碑陰云黃水溉田上則元英黑圪

塔下則五伏圖李珠庄擅利久矣其近城前後可引可灌自奉分日之令又禁上村無得壅闕責坐堡督察而以縣法繩之城民舊苦鹵飲遠及城南石井擔水日費二三文今河遠三門童稚可汲夏秋飲長流冬春飲積冰民咸宜之

白泥河自山陰縣南三十里榆林口發源東北流逕五福

頭又東入應州境逕望巖村師家坊入桑乾河

明天順間巡撫

黎陽王越於山陰縣南八里開渠名西伯渠東注白泥河以殺復宿山諸峪水漲之害

大同府志

卷之四

山川

三

木瓜河源出山陰縣北水上村東流逕應州西之侯家嶺

又東北至大營村入桑乾

清水河源出懷仁縣東南六十里之韭畦村東南流逕應

州北水磨村又南至臧家寨入桑乾

湖峪口水出代州北之馬湖山北流出口一水流入山陰

縣東南由羊圈頭漫流李莊新村知縣葉丕葆於城東

一里開二道河導而北注於桑乾河一水流入應州西

南逕西安峪下疇村又北逕望巖村大西頭安銀子南

湛村永盛莊豐家黃巍張家坊大黃巍歸入鹽河

自西安峪

至下疇村為舊渠自犁巖村至大黃巍為新渠

馬蘭口水出應州西南四十七里馬蘭口北流逕馬蘭莊
下馬峪西北逕南望莊小南頭大北頭馮家莊新房兒
劉家莊共三十九里歸鹽河

新渠

自馬蘭庄至下馬峪為舊渠自南望庄至劉家庄為

茹越口水源出應州南四十里茹越嶺北流出口分爲二

一水東北流逕下寨村王宜莊北曹山等村折而西北

逕大歲稔又西逕康興莊寇家寨凡四十里入鹽河一

水西北流逕南曹山上乾港又北逕何家疃鄭家莊張

家坊師家坊凡三十八里入鹽河

自下寨村至北曹山自南曹山至上乾港

皆為舊渠自大歲稔至寇家寨自何家疃至師家坊皆為新渠

大同府志

卷之四 山川

三

峙峪口大小山門口水三源並導滙而北流逕應州西南

之峙峪村釵裡村上乾港又北逕下乾港石家店張家

坊凡五十七里注於鹽河

自峙峪村至上乾港為舊渠自下乾港至張家坊為新渠

小石口水二道源出應州南雲峯護駕岡諸山一水流逕

州東南小石村北河種又北逕姜家莊灰泉子東關外

又北折而西逕吳家莊凡五十七里入桑乾一水流逕

州東南鮑家堡南河種接馬峪又北逕灰泉子席家堡

折而西逕州南之八里坡二里寨又西逕李家莊寇家

寨凡三十八里有奇歸入鹽河鹽鹹二河水無源因土

人挖鹽鹹成渠水所滙處遂目為河耳並注於桑乾河

自小石村至北河種自鮑家堡至接馬峪皆為舊渠
自姜家庄至吳家庄自灰泉子至寇家寨皆為新渠

大石口水導源應州東南茹越龍灣諸山自大石峪北流

分爲二水一水流逕州東南下社村石家庄鎮子梁凡

十五里歸入渾河一水流逕下社村唐家庄張家寨城

下莊又北逕郭家寨西輝耀鴟鷂莊楊家庄凡四十三

里入桑乾初由州城東繞城西北康熙二十四年知州

趙時可以水侵城址築隄下社村逼水北流自下社村至城下庄

為舊渠自郭家寨至楊家庄為新渠自下社村至鎮子梁皆為舊渠

北婁口水二道發源應州東南四十里一水北流逕北婁

村東上寨又北逕羅家庄東小寨凡十二里一水並流

大同府志 卷之四 山川

三

至東上寨北少西逕東辛寨臨河村又東北逕羅家庄

安樂營凡二十里並注於渾河自北婁村至東上寨自北婁村至臨河村皆為

舊渠自羅家庄至東小寨自羅家庄至安樂營皆為新渠

唐泉在應州東二十里安邊鎮以唐鑑墓其地故名泉自

石澗出涓涓東流入於渾河

渾源河出渾源州東北二十里汙土峪今名為神頭村唐

置渾源縣金陞州皆以水得名古謂之崞川水魏書太

平真君五年上自河西觀於崞川即此其水流逕州西

南十五里故崞縣麻家庄明史地理志所謂州西南有

渾源川者也分流繞城西北西流滙為大澤又西合神

一溪水曲折西北流逕寺家莊又西逕應州東北趙霸園
唐泉東流注之又西北逕東小寨安樂營北馬莊諸村
左得大石北婁口之水又北逕南柳會邊耀村循邊耀
山麓北出東轉逕大同縣南之小長城懷仁縣東南之
西安堡東北注於桑乾河攷水經注崞川水出崞山縣
故城南縣南面元岳右背崞山其水又西出山謂之崞
口北流逕繁峙縣故城東又北逕巨魏亭又北逕劇陽
縣故城西又東注於濕水元岳卽恒岳崞山疑卽橫山
皆在今渾源州境又攷闕駟十三州志劇陽在陰館東
北百三皇寰宇記陰館在勾注陁北一統志劇陽在應

大同府志

卷之四

山川

五

州東北是繁峙故城亦據漢晉故縣言當在今應渾二
州間古劇陽之南若今代屬之繁峙縣北距應州治百
里中界大山非崞川水所經也

應州渾河東岸北馬莊渠一道西岸柴家莊渠

一道乾隆三十三年知州吳炳泰文開濬

神峪水發源渾源州西北七里鳳凰山麓孤石方畝高丈
餘上有律呂神祠周環泉水歆涌旁合煖水西南流逕
橫山左又合乳泉水南流注於渾河遼史應歷二年三
月如應州觀漁於神德湖卽神溪水也

元麻治律呂神祠記畧云渾源

州七里許有小邱神峪之水出其陽峪之泉以十數而
鈞突爲最或者濬而堰之水旣合濬爲碾磨側置紙房
泄瀉麻泉西引灌漑其利無窮流益遠利益大

乳泉出渾源州西二十里橫山嘴側南流入神溪一名西神峪水

李峪水源出渾源州西南十五里李峪口西北流注於渾河

凌雲口水出渾源州西南三十五里大小峪北注渾河

磁窰峽水導源恒山北麓西北流出磁窰口東西分流東注於涇西注於渾河舊管引水入城今塞

鸞嶺關水出渾源州東四十里鸞嶺口西流逕沙圪坨又西逕新莊又西南注於渾河

遠望峪水發源渾源州東南十里遠望峪出峪卽伏西至

大同府志

卷之四 山川

四

顧冊村滙爲澤又西流注於渾河自神溪水以下七水與崞川水合是爲渾河所謂八水合而渾流也舊志以崞川渾河爲二水似誤

五泉河發源天鎮縣南右所窰馬頭山南流至定安營會

倒回窩小廟溝金圪坨三泉折而東逕興隆堡與蝦蟆

泉合南逕龍池堡會龍泉由顧家營鹽水皂屈曲而西

逕陽高縣之西坦坡大同縣康石莊復折而東逕天鎮

嘴兒圖又南注於桑乾

大同縣康石莊渠漑田四十八頃五十一畝有奇與陽高縣西

坦坡天鎮縣定安營興隆堡張家窰城定堡顧家營鹹水皂嘴兒圖爭截擅利雍正七年定循次按時引漑法

石門溝水發源天鎮縣西三十里李山後東南流逕縣

南五十里又南逕嘴兒圖入桑乾河

嘴兒圖村引以溉田

以上諸水皆於府境入桑乾

鴈門水自陽高縣雲門山北豐鎮界導源南流入守口堡之開山口俗名守口河其在馬邑河西來注之東逕太師莊南明英國公張懋田莊也又東逕織錦莊北逶迤繞城而東逕柳林堡馬家莊紀家莊屈而南與白登河會又東流逕樂王堡入天鎮縣境又東逕蕭家屯卞家屯右得三沙河之水折而北逕十里舖土人亦名十里河又東逕七里墩會諸泉於城西又東北逕城北之培風堡左得車箱河水又東八里河北流注之又東逕石

大同府志

卷之四

山川

聖

佛寺李家寨石嘴墩蘭陵朱家二溝之水北流注之又東逕永嘉堡入直隸懷安縣李信屯界合西洋河入桑乾水經注鴈門水出鴈門山東南流逕高柳縣故城北又東南流逕叱嶮城又東南流屈而東北積而為潭敦水注之又東北入陽門山謂之陽門水與神泉合又東逕西伺道城北又東託台谷水注之又東逕大甯郡北一統志鴈門水源出陽高縣西北邊牆外東南流入陽高縣北又東流入天鎮縣界又東流入直隸宣化府懷安縣界一名南洋河

陽高縣開山出口居民取行水磨兼資灌溉天鎮縣永嘉堡南沙窰宜

家圪塔各開小渠一道引水灌田四五至七八十畝不等

敦水源出大同縣東北七十八里聚落山南俗名河兒頭
山海經少咸之山敦水出焉卽此水也其水東北流逕
陽高縣西南之王官屯南北沙嶺折而東逕河上堡以
在古白登縣南亦名白登河又東注於鴈門水按水經
注敦水導源少咸山南麓東流逕參合縣故城南敦水
東又澁水注之出東阜下西北流逕和堆城北又北合
敦水亂流東北注鴈門水少咸山疑卽今聚落山參合
故城當在陽高縣西澁水未詳又攷明史地理志陽和
衛有鴈門山鴈門水出焉天城衛下則云南洋河在其
北是合鴈門敦二水之名矣

陽高縣馬官屯小渠由大
同縣引入至北徐屯止大

大同府志

卷之四 山川

三

雨水漲
晴則涸

馬邑河自陽高縣西北山鑿石引出東流逕萬錦灘明張
氏園圍資以灌溉所謂鑿石通渠也東注於守口河

三沙河發源天鎮縣東南筆峯五架石梯三山合而西流
逕米薪山南孤峯山東歷季沙袁沙陸沙三河又西至
宋家廠入南洋河縣志云古陽門山卽城東南諸山陽
門水卽三沙河按水經注鴈門水東北入陽門山謂之
陽門水是鴈門陽門並非二水可知如以三沙河爲古
之陽門水則水經注當云陽門水注之不當云鴈門水
入陽門山謂之陽門水也故縣南迤東諸山謂卽古之

陽門山則可以陽門水證今三沙河失之鑿矣宋家廠引以溉田

張家河在天鎮縣東二十五里導源黑龍背麻黃塆諸泉北流逕朱家溝入南洋河

蘭陵溝水發源天鎮縣東南十里泉孔數十隨地湧出北流入山溝注於南洋河

八里河在天鎮縣南八里故名有井出泉滙而東流乾隆十五年北下衝城知縣張坊開百丈河導水復東會雙成橋下水折而北入南洋河

天潮河源出天鎮縣南十三里楊家屯西北流滙七股泉大同府志 卷之四 山川 望 又北入南洋河

湧泉在天鎮縣西南里許一名海子泉水泉出縣西南之孫家園並北流逕縣城西又北注於南洋河

車箱河在培風堡西自縣北鄧家園玉泉發源或云隋置玉泉驛以此得名無可證實西流逕霜神祠滙為池知縣張坊開濬導入南洋河自七股泉以下諸泉居人並引溉園圃

延鄉水即今西洋河導源豐鎮廳東百八十五里山溝蒙古謂之葫蘆速太其水繇七家營東北流逕高廟子東石嘴俗名頭道河東流入天鎮縣之平遠水口西合南邊石塘一水復折而東逕平遠堡十字河北流注之又

東逕西洋河堡南入直隸懷安縣境又東至柴溝堡西
北與東洋河合水經注延鄉水出延陵縣西山東逕延
陵縣故城北俗指謂之琦城川又東逕羅亭又東逕馬
城北又東注修水一統志延鄉水在天鎮縣西北邊牆
外一名西洋河宣化府志西洋河自天鎮縣平遠堡東
流逕西洋河堡曰柴溝堡入東洋河即古延鄉水也
南邊口水源出豐鎮南灣東流入天鎮縣樺門山北逕瓦
窰溝滙石塘河以達於西洋河

石塘河出天鎮縣大梁山北北流逕瓦窰溝與南邊口水
合又東北注西洋河

大同府志

卷之四

山川

四

託台谷水即今姜前後屯河源出天鎮縣東南灰窰大人
一溝東逕姜前後屯又東流入直隸懷安縣逕水溝口
山折而北即名水溝口河又東北至萬全縣境入洋河
水經注託台谷水上承神泉於羣壁北東逕陽門山南
託台谷謂之託台水東逕三會城南又東逕託台亭北
又東北逕馬頭亭北東北注鴈門水

十字河在天鎮縣東北六十里發源史家窰諸泉北流至
平遠堡入西洋河

于延水一名修水即今東洋河也出察哈爾正黃旗五祿
戶灘發源南流逕一大山西俗亦呼爲大青山者又南

逕八戒窰黑土臺屈而東逕碾房窰謂之二道河又東入直隸張家口葛河合流南至懷安縣柴溝堡西北匯西洋河山海經梁渠之山修水出焉漢書地理志代郡且如縣有于延水出塞外東至寧入沽魏書登國元年帝自弩山遷幸牛川屯于延水南水經注于延水出塞外柔元鎮西長川城南小山東南流逕且如縣故城南卽修水也又東南逕馬城縣故城北俗謂是水爲河頭又東逕零丁城南右合延鄉水又東南流大甯郡北右注鴈門水自下通謂之于延水合數條考之柔元鎮長川城近今正黃旗五祿戶灘且如近豐鎮東北馬城近

大同府志

卷之四

山川

壘

懷安零丁近萬全長川城南小山卽梁渠山後漢書永初三年敗五原郡兵於高渠谷東觀記曰戰九原高粱谷疑卽山海經所稱梁渠出也一統志云于延水在天一鎮縣北時豐鎮未設耳

壺流河明史作葫蘆河發源廣靈縣西三十里莎泉廣一畝沸騰洶湧魏書地形志北靈邱郡莎泉縣以此得名明一統志懷仁縣有莎泉後魏嘗以名縣是以南北沙河爲古之莎泉不知沙河明季始出泉而莎泉之名已見於北魏書水經注蓋誤證矣自泉水東南流逕石梯嶺北右得一水名石家泉東逕縣城南作曠河自左注之

又東枕頭河集興壘之水自右注之又東逕壺山下與壺泉合卽豐水也二水滙流其形如壺故名壺流河又東逕加斗村北又東流逕直隸蔚州北注順聖川以入桑乾按水經注莎泉東南流入于滹今莎泉水入桑乾地勢似別又攷水經注祁彝水出平舒縣東逕平舒縣之故城南澤中其水控引衆泉以成一川東北流逕桑乾故城東而北注於濕水疑壺流河卽古祁彝水非莎泉也

豐水出廣靈縣東南一里平原山麓深泉隨地湧出東旋爲小池與莎泉合明史地理志縣東南有豐水卽葫蘆

大同府志

卷之四

山川

一

河上源也省志云靈邱縣東南有豐水又云廣靈縣東南有灃水一作豐水蓋遼以後之廣陵縣本析靈邱與唐地置於北魏爲莎泉縣屬北靈邱郡古今地界不同其實葫蘆河上源與今靈邱無涉猶唐書靈邱有直谷關今屬廣靈金史應州金城縣有復宿山今則隸山陰也

枕頭河源出廣靈縣南翟家壘東南流三里許直峪口之水名灑雨泉北流注之東入壺流河

灑雨泉可溉田數十畝

作壘河在廣靈縣西十三里源出西山麓滙爲池方寸許許天將雨雪水輒湧漲東南流數里入壺流河

集興噴池在廣靈縣南七里水清湛冬夏不竭東注於壺
流河

以上諸水皆東至直隸境入桑乾河

滹水出渾源州南七里翠屏山東南麓東南流逕石溝堂
金峯里與嘔熨河合又東南逕湯頭灣暄谷之水自右
注之又東逕靈邱縣西之蔡家峪又東逕東河南村北
又東左得枚迴嶺之水又東逕縣城南又東逕門頭村
南落水河北來注之又東南入隘門峽水逼仄爲兩崖
所束排扼逆轉騰躍奔奪而入又東南逕覺山東又東
南逕直隸廣昌縣境又東入倒馬關注於澹河攷漢志

大同府志

卷之四

山川

望

代郡靈邱縣滹河東至文安入河水經注滹水卽溫熨
之水也出靈邱縣西北高氏山其水東南流山上有石
銘題言冀州北界又南逕候塘又東合溫泉水又東泉
水注之又東逕靈邱縣故城南自縣南流入峽謂之隘
門沿澗西轉逕御射臺南又南轉東屈逕北海王詳之
石碣南又東逕嘉牙川倒馬關元和志蔚州靈邱縣嘔
熨水一名滹水又曰滹水一名唐河蓋澹河三源翠屏
山滹水鎗鋒嶺東嘔熨河湯頭鋪溫泉漚爲滹水經唐
縣又爲澹河水經注溫熨之水是滹水嘔熨河溫泉并
稱矣

嘔爨河自渾源州東南五十里鎗鋒嶺發源東南流逕金峯里與滌水會下流爲溇河周禮職方氏并州川曰溇沱嘔爨顏師古註嘔爨出平舒太平寰宇記嘔爨水出靈邱縣西北高氏山按平舒今渾源東境於靈邱爲西北境高氏山卽今翠屏山鎗鋒翠屏實連山也故通謂之高氏山尹耕曰嘔爨源靈邱西北謂出蔚高氏山下者非

溢泉出渾源州東南百里地名湯頭灣水似湯沐浴愈疾東流入於滌水經注滌水東合溫泉水水出西北暄谷其水溫熱若湯能愈百疾故世謂之溫泉焉按魏書興

大同府志

卷之四 山川

吳

光元年十二月至靈邱駐溫泉宮太和二年二月行幸代之溫泉三年二月上奉文明后幸代郡溫泉卽此水也

滋水導源枚廻嶺之牛口峪東南流出靈邱縣西北口頭村又南逕武家莊又南得黑龍谷水亦名黑龍河又東南入於滌按明史地理志靈邱縣有枚廻嶺滋水出焉廣靈縣西南有滋水而滌水之名不見於水經注其言滌水也東合溫泉水又東泉水注之水導源莎泉南流東南入於滌水疑莎泉卽滋水今黑龍河勢近之枚廻嶺本界靈廣二縣之間故明史兩見而舊志所謂莎泉

者乃古神彝水今壺流河自入桑乾黑龍河自入滹與
酈道元說俱合舊志又云滋水有二一在蔚州西南三
十里南馬莊一在靈邱縣西南枚迴嶺懸流五丈湍激
之聲震動山谷未詳孰是姑識之以俟通知水學者

落水河自靈邱縣東北五十里塔地村西流逕義泉嶺南
西南逕白家嘴又南逕縣東十五里落水河村又南逕
孤山村門頭村又南注於滹

馬跑泉出靈邱縣南九十里土人傳楊延朗跡北流注於
滹水

以上諸水皆滙滹水東南流至直隸易州界入易水

大同府志

卷之四 山川

一

不歸桑乾河

舊志又載白道泉在府城北灰泉在懷仁縣東二十
五里脈通黑河邊外燒荒草灰自泉湧出元大德乙
巳夏懷仁地裂一所湧黑水漂出松柏朽木卽此泉
也鎮子海在懷仁縣東南十五里高鎮子堡周四十
五里今涸聖水泉一在懷仁縣東南二十里海子村
北禱雨輒應一在應州東三十里西北沙河一在懷
仁縣南郭外一在北郭外明季始出泉泥河在懷仁
縣南十里有涓泉南流多淤泥鴛鴦河在懷仁縣南
二十五里二水交滙故名神泉在懷仁縣北四十里

泉二眼水甚甘冽沙家泉在山陰縣北四十里一泉
三眼亦名神泉寒潭在山陰縣南三十里潭形似甕
蓄水成泓馬跑泉在應州南四十里馱水在靈邱縣
南十里白龍池在靈邱縣西北三十餘里白馬泉在
靈邱縣西北四十里相傳漢文帝爲代王時經此乏
水帝禱之有馬跑地得泉雅兒滙在廣靈縣西南四
十里暑月有冰龍泉在陽高縣南四十里石洞連龕
水自西縈繞焉溫泉在天鎮縣東南三里屯北煖泉
在天鎮縣東北二十里俱嚴冬不冰

